



100 Vjet Pavarësi

Realizimi i Investimeve për periudhën Janar - Shtator 2012

Në mbështetje të Ligjit nr.10487 datë 05.12.2011 « Për buxhetin e vitit 2012 », për vitin 2012 si dhe Udhëzimit të Ministrisë të Financave nr.2 datë 06.02.2012 "Për Zbatimin e Buxhetit të Shtetit për vitin 2012 paraqesim realizimin e investimeve sipas programeve dhe projekteve të miratuara për Pushtetin Gjyqësor për vitin 2012.

1. Programi “Buxheti Gjyqësor”

Fondi i investimeve akorduar nga buxheti i shtetit, për periudhën Janar - Shtator është 179,500 mijë lekë dhe realizimi 113,303 mijë lekë ose 63% .

në mijë/lekë

Projekti	Plan	Fakt	%
1 Rikonstruksion	96,580	50,835	53%
2 Pajisje - Mobilje	64,270	46,551	73%
3 Projekt	8,650	5,953	69%
4 Automjete	10,000	9,964	100%
TOTALI	179,500	113,303	63%

“Rikonstruksion”

Fondi i akorduar nga Buxheti i Shtetit në “Rikonstruksion” për periudhën Janar-Shtator është 96,580 mijë lekë dhe realizimi 50,835 mije lekë, ose 53%. Ky fond është planifikuar të realizohet në 10 gjykata. Gjykatat e Rretheve Gjyqësore Mat, Kavajë dhe Vlorë kanë përfundur plotësisht prokurimin dhe likuidimin, për fondet e vëna në dispozicion për vitin 2012. Ndërsa për gjykatat e tjera situata paraqitet si më poshtë:

- Për Gjykatën e Rrethit të Rrethit Gjyqësor Pogradec, është detajuar fondi në masën 31,000 mije lekë, kurse realizimi është 20,312 mije lekë, ose 66%.Gjykata ndërpreu përkohësisht punimet në fillim të vitit për rikonstruksionin e plotë të godinës të gjykatës, për shkak të kushteve të papërshtatëshme atmosferike (ngrica). Në muajin Mars rifilloi punimet me intesitet me qëllim përfundimin në kohë të tyre. Vazhdojnë punimet dhe njëkohësisht edhe likuidimi i tyre sipas situacioneve të paraqitura. Punimet për fazën e dyte dhe njëkohësisht rikonstruksioni i plotë i godinës së ish-Shtëpisë së Oficerave për gjykatën, parashikohet të përfundojnë në muajin Tetor.
- Për Gjykatën e Rrethit Gjyqësor Tiranë, kanë përfunduar procedurat e prokurimit dhe është lidhur kontrata për zbatimin e punimeve për përshtatjen e godinës së ish-Institutit të Kërkimeve Zooteknike në godinë të Dhomës Administrative të Gjykatës së Rrethit Tiranë. Vlera e plotë e kësaj kontrate është rreth 58,000 mijë lekë. Financimi i këtij

objekti është parashikuar të shtrihet në dy vite 2012-2013. Fondi i detajuar për këtë qëllim për vitin 2012 është 35,000 mijë lekë. Kanë filluar punimet për rikonstruksionin e godinës dhe deri tani është likujduar vlera 16,533 mijë lekë.

- Për Gjykatën e Apelit Tiranë, kanë përfunduar procedurat e prokurimit dhe është lidhur kontrata për zbatimin e punimeve për rikonstruksion të ambjentëve ekzistuese të gjykatës, me qëllim akomodimin e gjyqtarëve dhe punonjësve të tjerë të Dhomës Administrative të kësaj gjykate. Vlera e plotë e kontratës është rreth rreth 17,000 mijë lekë. Financimi i këtij objekti është parashikuar të shtrihet në dy vite 2012-2013. Fondi i detajuar për këtë qëllim për vitin 2012 është 10,000 mijë lekë. Kanë përfunduar punimet dhe likujdimi për rikonstruksionin e godinës.
- Për Gjykatën e Rrethit Gjyqësor Pukë, është detajuar fondi në masën 9,000 në mije lekë për rikonstruksionin e plotë të godinës. Gjykata ka filluar punimet dhe është në proces. Rikonstruksioni i godinës së gjykatës është parashikuar të shtrihet në dy vite 2012-2013.
- Në këtë projekt është detajuar edhe fondi prej 4,000 mije lekë për rikonstruksion të rrjetit elektrik si dhe disa punime plotësuese në nivel mirëmbajtje të godinës së Gjykatës të Lartë. Gjykata ka përfunduar punimet dhe pritet të kryejë likujdimin.
- Për Gjykatën e Apelit Korçë është detajuar një fond në masën 1,080 mijë lekë për rikonstruksion në nivel mirëmbajtje. Gjykata ka anuluar tenderin e parë për mungesë konkurrence dhe ka nisur procedurat për përsëritjen për herë të dytë.
- Për Gjykatën e Apelit Vlorë është detajuar fond në masën 480 në mije lekë, për disa ndërhyrje të vogla në murin e jashtëm të godinës si dhe vendosjen e një porte në rrethimin e jashtëm të objektit. Gjykata ka filluar punimet është në përfundim të tyre.

"Paisje Mobilje"

Fondi i akorduar nga Buxheti i Shtetit për 9/mujorin është 64,270 mijë lekë dhe realizimi 46,551 mijë lekë ose 73%. Ky realizim vjen nga likujdimet që gjykatat kanë kryer për prokurimet më vlerë të vogël, për paisje të ndryshme. Për periudhën 9/mujore situata e investimeve për këtë projekt, sipas grupeve kryesore të pajisjeve, paraqitet si më poshtë:

✚ *Paisje elektronike.* Fondi i akorduar për 9/mujorin është 26,049 mijë lekë, ndërsa realizimi 14,387 mijë lekë ose 69%.

a) Kanë përfunduar procedurat e prokurimit dhe janë në proces likujdimi:

- Gjykata e Apelit Durrës me fondin 1,210 mijë lekë.
- Gjykata e Rrethit Gjyqësor Tiranë me fondin 9,930 mijë lekë,

✚ *Paisje elektrike.* Fondi i akorduar për 9/mujorin është 2,255 mijë lekë, i cili është realizuar i plotë, në masën 100%.

✚ *Paisje sigurie.* Fondi i akorduar për periudhën Janar-Shtator është 6,810 mijë lekë, ndërsa realizimi 6,112 mijë lekë ose 89%.

- a) Ka zhvilluar procedurat e prokurimit, por ka dështuar në realizimin e saj Gjykata e Rrethit Gjyqësor Dibër me fondin në masën 600 mijë lekë. Gjykata është në proces të rishikimit të procedurës, me qëllim marrjen e një vendimi për përsëritjen e saj.

✚ *Mobilje* . Fondi i akorduar për 9/mujorin është 24,729 mijë lekë, ndërsa realizimi është në masën 20,715mijë lekë, ose 84% .

- a) Ka nxjerre Urdherin e Prokurimit dhe është në proces prokurimi për blerje me vlera të vogla, Gjykata e Lartë me fondin në masën 100 mijë lekë.

✚ *Paisje të tjera*. Fondi i akorduar për 9/mujorin është 4,427 mijë lekë, ndërsa realizimi është 3,069 mijë lekë ose 73%.

- a) Ka përfunduar procedurat e prokurimit dhe është në proces likuidimi, Gjykata e Rrethit Gjyqësor Tiranë me fondin 650 mijë lekë.

- b) Ka nxjerre Urdherin e Prokurimit dhe është në proces prokurimi për blerje me vlera të vogla, Gjykata e Rrethit Gjyqësor Korce, me fondin 75 mijë lekë.

"Projekt".

✚ Fondi i akorduar nga buxheti i shtetit për këtë zë të investimeve është 8,650 mijë lekë, ndërsa realizimi është 5,953 mijë lekë ose 69%.

Për periudhën 9/mujore është detajuar fond për hartimin e projekteve për rikonstrukcion të plote për 7 godina gjykatash.

- Për Gjykatën e Apelit Tiranë është detajuar një fond 480 mijë lekë për hartimin e projektit për krijimin e ambienteve për akomodimin e gjyqtareve te Dhomës Administrative te Gjykatës se Apelit Tiranë. Këto ambjente do të krijohen duke bërë përmirësime dhe plotësime të ambjenteve ekzistuese të gjykatës. Për këtë projekt ka përfunduar prokurimi dhe likuidimi i tij
- Për Gjykatën e Gjykatën e Rrethit Gjyqësor Përmet, nevojitet realizimi i disa rregullimeve për përmirësim të ambjenteve të brendshme dhe riorganizim të skemës funksionale të godinës së gjykatës. Për këtë ishte i domosdoshëm hartimi i një projekti, i cili do të mund të jepte zgjidhjet teknike, për përmirësimin e gjendjes së kësaj gjykate. Fondi i detajuar për realizimin e projektit, është 480 mijë lekë. Gjykata ka përfunduar prokurimin edhe likuidimin.
- Për Gjykatën e Lartë, pas rialokimeve te kryera, është detajuar një fond 270 mijë lekë për hartimin e projektit, në funksion të rikonstrukcionit të rrjetit elektrik të godinës. Edhe kjo gjykatë ka përfunduar prokurimin edhe likuidimin e fondit të miratuar.
- Për Gjykatën e Gjykatën e Rrethit Gjyqësor Gjirokaster është detajuar një fond 2,100 mijë lekë për hartimin e projektit për rikonstrukcion të plotë të godinës së gjykatës. Për këtë projekt ka përfunduar prokurimi dhe likuidimi i tij.

- Gjatë vitit 2011 është kryer nga Z.A.B.GJ, projekti për rikonstruksionin e godinës së ish-Institutit Zooteknik Tiranë për Dhomën Administrative të kësaj gjykate. Pagesa e fondit të miratuar për vitin 2011 nuk u realizua, për arsye të bllokimit pa asnjë argument nga Dega e Thesarit, të dokumentacionit të paraqitur. Për vitin 2012, u detajua 40% e vlerës sipas parashikimit në VKM nr.444, ku përcaktohet se me dorëzimin e projektit, paguhet vetëm 60% e vlerës totale të shërbimit, ndërsa pjesa tjetër prej 40%, duhet të paguhet mbas prokurimit të zbatimit, ose mbasi është mbushur një vit nga dorëzimi i projektit. Si rezultat i rialokimit të fondeve në muajin Gusht, është bërë e mundur likuidimi i plotë në vlerën 3,474 mijë lekë.
 - Për Gjykatat e Rretheve Gjyqësore Fier dhe Lezhë, nuk janë realizuar procedurat e prokurimit për fondet e detajuara.
 - Përsa i përket Gjykatës së Rrethit Gjyqësor Fier, deri në këtë moment, nuk kanë arritur të përfundojnë procedurat administrative lidhur me miratimin e sheshit të ndërtimit, e për pasojë nuk ka mundur të fillojnë procedurat për prokurimin e fondit të akorduar për hartim projekti. Meqenëse gjatë këtij viti nuk do të hartohet projekti për ndërtim godine të re, gjykata do të prokurojë një pjesë të këtij fondi për të plotësuar një nevojë imediate për krijimin e ambjentit të mardhënieve me publikun. Ky ambjent i mungon gjykatës dhe aktualisht shërbimi i publikut kryhet nëpërmjet dritares së kryesekretarisë.
 - Për Gjykatën e Rrethit Gjyqësor Lezhë në fillim të vitit u detajua fond për hartimin e projektit për ndërtim shtese godine të gjykatës, për shkak të pamjaftueshmërisë së ambjenteve të punës në të. Gjykata ka nevojë për shtim të sallave të gjyqit, pasi numri i sallave që ka aktualisht, nuk lejon realizimin e gjithë proceseve gjyqësore në salla gjyqi. Gjykata është në proces të vlerësimit të sheshit topografik, pasi terreni ku mendohet të kryhet ndërtimi paraqet probleme rrëshqitjeje. Në këtë mënyrë, deri në gjetjen e një zgjidhje të përshtatshme për kryerjen e investimit, nuk mund të fillojnë procedurat për hartimin e projektit për këtë gjykatë.
- Një pjese e fondit të detajuar në fillim të vitit për këto gjykata është alokuar për mbylljen e detyrimit të mbartur nga viti 2011 për likuidimin e projektit për Dhomën Administrative të Gjykatës së Rrethit Tiranë. Pjesa e mbetur është rialokuar në muajin Tetor, për të plotësuar nevoja të tjera imediate që gjykatat kanë në investime.

“Automjet”

Fondi i akorduar nga Buxheti i Shtetit në “ Automjet” për periudhën Janar-Shtator është 10,000 mijë lekë dhe realizimi 9,964 mije lekë, ose 100%. Ky fond u planifikua dhe përdor u për blerjen e tre autoveturave për nevoja të gjykatave.

Programi “Planifikim, Menaxhim dhe Administrim”

Fondi i akorduar nga buxheti i shtetit për periudhën Janar-Shtator është 500 mijë lekë, kurse realizimi paraqitet në masën 348 mije lekë, ose 70%. Ky program përbëhet nga një projekt “Paisje-Mobilje”. Ky fond u detajua për Zyrën e Administrimit të Buxhetit Gjyqësor për plotësimin e nevojave për pajisje elektronike dhe mobilje për punonjësit e saj. Kanë përfunduar procedurat e prokurimit për plotësimin e nevojave për “Paisje elektronike” dhe “Paisje të tjera”. Është në proces likuidimi për prokurimin e fondit të mbetur në masën 150 mijë në zërin “Mobilje”.

